

Na osnovu člana 69. stav (3), člana 70. stav 1, 4. i 6. Zakona o javnim nabavkama („Sl. glasnik BiH“, broj 39/14, 59/22 i 50/24), a u skladu sa tačkom I Rješenja o prenosu ovlaštenja na državnog službenika u organu državne službe broj: 02/04-A-4032-2026 od 18.03.2026. godine te na osnovu Rješenja Ureda za razmatranje žalbi Filijala/Podružnica Mostar, broj: JN2-03-07-1-1968-6/25 od 18.12.2025. godine, i na osnovu preporuke Komisije za nabavke a po provedenom postupku javne nabavke radova putem otvorenog postupka, Pomoćnik gradonačelnika za Službu za komunalne poslove, izgradnju i poslove mjesnih zajednica, donosi

ODLUKU

o poništenju postupka javne nabavke

LOT 1: Nabavka radova na modernizaciji javne rasvjete na dijelu Južne saobraćajnice

Član 1.

Poništava se postupak javne nabavke radova na modernizaciji i izgradnji javne rasvjete u gradu Tuzli za LOT 1: Nabavka radova na modernizaciji javne rasvjete na dijelu Južne saobraćajnice, u skladu sa članom 69. stav (3), Zakona o javnim nabavkama („Sl. glasnik BiH“, broj 39/14, 59/22 i 50/24), odnosno iz razloga što odabrani ponuđač za LOT1. „Tuzex“ d.o.o. Tuzla nije dostavio zahtijevanu dokumentaciju, nakon zaprimanja Obavijesti o rezultatima postupka javne nabavke, u skladu sa Tenderskom dokumentacijom i dostavljenom Obavijesti o rezultatima postupka javne nabavke.

Član 2.

Ovom odlukom stavlja se van snage alineja 2. člana 1. Odluke o izboru najpovoljnijeg ponuđača broj: 05/11-A-006138-2025 od 10.10.2025.godine kojom se ugovor za LOT 1: Nabavka radova na modernizaciji javne rasvjete na dijelu Južne saobraćajnice, dodjeljuje ponuđaču „Tuzex“ d.o.o. Tuzla.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 05/11-A-006138-2025 od 25.04.2025. godine. Postupak nabavke je proveden putem otvorenog postupka javne nabavke za koji je objavljeno Obavještenje o nabavci broj: 1004-1-3-93-3-151/25 na Portalu javnih nabavki dana 01.07.2025. godine.

Postupak nabavke provela je Komisija za nabavke imenovana Rješenjem broj: 05/11-A-006138-2025 od 25.04.2025. godine i Rješenjem o izmjeni Rješenja o imenovanju Komisije za nabavke, broj: 05/11-A-006138-2025 od 20.06.2025. godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

LOT1.

U postupku javne nabavke utvrđeno je slijedeće:

- da je ukupan broj pristiglih ponuda 2 (dva);
- da su blagovremeno zaprimljene 2 (dvije) ponude;
- da nije bilo neblagovremenih ponuda;
- da je 1 (jedna) ponuda prihvatljiva i
- da je 1 (jedna) ponuda neprihvatljiva i nepravilna.

Nakon što je Komisija za nabavke sačinila Zapisnik o pregledu i ocjeni ponuda, broj: 05/11-A-006138-2025 od 29.09.2025. godine i Izvještaj o provedenom postupku javne nabavke, broj: 05/11-A-006138-2025 od 29.09.2025. godine, Pomoćnik gradonačelnika za Službu za komunalne poslove, izgradnju i poslove mjesnih zajednica je donio Odluku o izboru najpovoljnijeg ponuđača, broj: 05/11-A-006138-2025 od 10.10.2025. godine kao i Obavijest o rezultatima postupka javne nabavke, broj: 05/11-A-006138-2025 od 10.10.2025. godine.

Naprijed navedenom Obavijesti o rezultatima postupka javne nabavke, a u skladu sa Zapisniku o pregledu i ocjeni ponuda, broj: 05/11-A-006138-2025 od 29.09.2025. godine, pozvan je odabrani ponuđač za LOT1. „TUZEX“ d.o.o. Tuzla da dostavi u roku od 7 (sedam) dana od dana prijema obavještenja u originalu ili ovjerenoj fotokopiji dokumentaciju iz člana 45. Zakona o javnim nabavkama i dokumentaciju traženu u skladu sa uslovima i zahtjevima iz tenderske dokumentacije, koja je u ponudi dostavljena u fotokopiji.

Nakon zaprimanja dokumenata, Komisija za nabavke je Zapisnikom o pregledu dostavljene dokumentacije odabranog ponuđača, broj: 05/11-A-006138-2025 od 05.11.2025. godine za LOT1., konstatovala da je odabrani ponuđač „TUZEX“ d.o.o. Tuzla za LOT1. dostavio dokumentaciju u roku od 7 dana od dana prijema Obavijesti o rezultatima postupka javne nabavke ali da nije dostavio zahtijevanu dokumentaciju u skladu sa Tenderskom dokumentacijom i dostavljenom Obavijesti o rezultatima postupka javne nabavke, broj: 05/11-A-006138-2025 od 10.10.2025. godine.

Na osnovu Zapisnika o pregledu dostavljene dokumentacije odabranog ponuđača, broj: 05/11-A-006138-2025 od 05.11.2025. godine, Pomoćnik gradonačelnika za Službu za komunalne poslove, izgradnju i poslove mjesnih zajednica je donio Odluku o poništenju postupka javne nabavke za LOT 1: Nabavka radova na modernizaciji javne rasvjete na dijelu Južne saobraćajnice, broj: 05/11-A-006138-2025 od 10.11.2025. godine i Obavijest o poništenju postupka javne nabavke, broj: 05/11-A-006138-2025 od 10.11.2025. godine za LOT1.

Ponuđač „Tuzex“ d.o.o. Tuzla je uložio Žalbu bez broja od 21.11.2025. godine, na donesenu Odluku o o poništenju postupka javne nabavke, broj: 05/11-A-006138-2025 od 10.11.2025.godine za LOT1., putem punomoćnika Odvjetničkog društva Paponja & Partneri d.o.o. Mostar.

Ugovorni organ je Žalbu sa kompletnom dokumentacijom proslijedio Uredu za razmatranje žalbi, Filijala/Podružnica Mostar, koji je Žalbu usvojio Rješenjem broj: JN2-03-07-1-1968-6/25 od 18.12.2025. godine. Naprijed navedenim Rješenjem Ured za razmatranje žalbi je naložio ugovornom organu da u ponovljenom postupku zatraži pojašnjenje od notara koji je izvršio ovjeru spornih dokumenata.

Postupajući po Rješenju URŽ-a prema notaru su upućeni zahtjevi za pojašnjenjem, te je nakon zaprimljenih pojašnjenja od strane notara, Komisija za nabavke, u cilju okončanja postupka javne nabavke, uputila zahtjev za pružanjem stručne pomoći Službi za opću upravu Grada Tuzla, i to za stručnu pomoć u pogledu pregleda ovjerenih fotokopija spornih dokumenata te dostavljenih pojašnjenja notara o izvršenim ovjerama.

Služba za opću upravu je predložila osobu koja je Rješenjem o imenovanju eksperta za pružanje stručne pomoći Komisiji za nabavke, broj: 05/11-A-006138-2025 od 24.03.2026. godine, imenovana za pružanje stručne pomoći Komisiji za nabavke u postupku javne nabavke radova na modernizaciji i izgradnji javne rasvjete u gradu Tuzli, za LOT1. - Nabavka radova na modernizaciji javne rasvjete na dijelu Južne saobraćajnice. Navedenim Rješenjem imenovana osoba je zadužena da pregleda dostavljene ovjerene fotokopije dokumenata ponuđača te dostavljena pojašnjenja notara o izvršenim ovjerama i da pismeno da svoju preporuku.

Ekspert za pružanje stručne pomoći Komisiji za nabavke je dostavio Mišljenje o dostavljenim ovjerenim fotokopijama dokumenata u postupku javne nabavke radova na modernizaciji i izgradnji javne rasvjete u gradu Tuzli, za LOT1 u kojem je, nakon pregleda dokumentacije, dao svoju preporuku Komisiji za nabavke.

Nakon dostavljanja Mišljenja eksperta Komisija za nabavke je sačinila Zapisnik o pregledu dostavljene dokumentacije odabranog ponuđača nakon Rješenja Ureda za razmatranje žalbi Filijala/Podružnica Mostar, broj: JN2-03-07-1-1968-6/25 od 18.12.2025. godine, broj: 05/11-A-006138-2025 od 09.04.2026. godine, u kojem je dala preporuku Pomoćniku gradonačelnika za Službu za komunalne poslove, izgradnju i poslove mjesnih zajednica da donese odluku o poništenju postupka javne nabavke radova na modernizaciji i izgradnji javne rasvjete u gradu Tuzli, za LOT 1: Nabavka radova na modernizaciji javne rasvjete na dijelu Južne saobraćajnice, u skladu sa članom 69. stav (3) Zakona o javnim nabavkama („Sl. glasnik BiH“, broj 39/14, 59/22 i 50/24) a obzirom da odabrani ponuđač za LOT1. „TUZEX“ d.o.o. Tuzla nije dostavio zahtijevanu dokumentaciju u skladu sa Tenderskom dokumentacijom i dostavljenom Obavijesti o rezultatima postupka javne nabavke, broj: 05/11-A-006138-2025 od 10.10.2025. godine, a u predmetnom postupku javne nabavke za LOT1. je zaprimljena jedna prihvatljiva ponuda (nema drugorangiranom ponuđača).

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila pregled dostavljene dokumentacije, u skladu sa uslovima iz tenderske dokumentacije te na osnovu dostavljenih pojašnjenja notara i mišljenja eksperta.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama.

Iz navedenih razloga, primjenom člana 69. stav (3) Zakona o javnim nabavkama („Sl. glasnik BiH“, broj 39/14, 59/22 i 50/24), odlučeno je kao u članu 1. ove Odluke.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi putem ugovornog organa, najkasnije u roku od 10 (deset) dana od dana prijema ove Odluke.

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Služba za komunalne poslove, izgradnju
i poslove mjesnih zajednica
Broj: 05/11-A-006138-2025
Datum, 22.04.2026.godine

Pomoćnik gradonačelnika za Službu za
komunalne poslove, izgradnju i poslove mjesnih zajednica

dr.sci. Miralem Mulać, dipl.ing.geol.